



百七十六七

漢書門
一三六〇八
類號函架冊

內閣文庫
漢書
一三六〇八
類號冊架函

內閣文庫	
番號	漢 12608
冊數	160 (138)
函號	300 211







重校聖濟總錄卷一百七十六

震澤汪鳴珂瑤圃全弟鳴鳳蘭圃校

程 勛懋哉校訂

小兒門

小兒欬逆上氣

小兒嘔吐

小兒噦

小兒吐衄

小兒乳癖

小兒癥瘕癖結

小兒咳逆上氣

論曰小兒欬逆上氣盡由乳哺無度因挾風冷失

於表散致傷肺也蓋肺主氣居五臟之上傷則喘  
欬又爲風冷所加聚於本經則令肺脹卽咳逆而  
上氣也

蝉殼散方 治小兒咳逆上氣心胸痰壅

蝉殼微炒 半夏湯洗七遍去滑 甘草炙微赤剉 漢防已各

分 桔梗去蘆 橘皮湯浸去白焙各半兩

右件藥爲末每服以生薑粥飲調下一字三歲  
以上加之半錢

蘿蔔子散方 治風寒失表咳逆喘急

蘿蔔子炒 麻黃去根節各一分 燈心一束 皂莢子

十枚煨 甘草炙微赤剉半分

右件藥擣麤羅爲散每服一錢水一小盞煎至  
五分去滓不計時候量兒大小以意分減溫服

橘皮散方 治小兒咳逆咽中作呀呷聲

橘皮湯浸去白焙 桑白皮剉 杏仁湯浸去皮尖麩炒黃色

甘草炙微赤剉 葶藶隔紙炒令紫色以上各一分

右件藥擣麤羅爲散每服一錢水一小盞煎至  
五分去滓放溫服量兒大小加

射干散方 治小兒咳逆胸痰上壅

射干

麻黃

去根節

紫苑

洗去苗土

桂心

以土各半兩

甘

草

炙微赤

半夏

半分湯浸

七次去滑

右件藥為散每服一錢水一小盞生薑少許煎至五分去滓入蜜半茶匙攪令勻不計時候量兒大小分減溫服

雄黃丹方 治小兒齁齕咳逆

雄黃

硃砂

各一錢另研

杏仁

十四粒炒

巴豆

七粒

豆

豉

淡者二十一粒

右杏巴豉三味用米醋半盞乾薑一片指大煮令乾研成膏皂角一寸蜜炙焦先去子與皮法製牛膽一分同雄硃與杏膏研細和勻麩糊為丸如麻子大每一歲兒五丸壯者七丸二歲十丸淡薑湯下

內金丸方 治小兒齁齕咳逆

雞肉金

生半夏

延胡索

雄黃

細研水飛過去

水露三日方用各等分

右為末棗肉為丸如小豆大周歲三丸至四丸

燈心湯下

紫蘇子散方 治小兒咳逆上氣因乳哺無度內  
挾風冷傷於肺氣或小兒啼氣未定與乳飲之  
與氣相逆氣不得下

紫蘇子

訶子肉

去核

杏仁

去皮尖炒

蘿蔔子

炒

木香

人參

去蘆各三兩

青皮

甘草

炒各一兩

右為細末每服二錢水一盞生薑三片煎至五  
分去滓不拘時服量兒加減

肘後方 治小兒久咳氣壅

紫苑

六分

貝母

二分

款冬花

一分

右擣為散每服如豆大著乳頭上令兒和乳嚥  
之日三四乳母忌食大鹹醋物聖惠用清粥飲  
調下一字

馬兜鈴丹方

治小兒肺壅咳嗽大便不利

馬兜鈴

紫蘇子

人參

各一兩

款冬花

木

香

各半兩並為細末

杏仁

七錢半湯浸去皮尖另細研

右研拌勻鍊蜜和丸如黍米大每服十粒煎生  
薑湯下量大小加減

貝母湯方 治肺中風咳嗽喘急

貝母炒黃半夏礬洗七遍乾薑 款冬花

麻黃去根甘草炙各半兩

右件搗羅為細末每服一錢水一小盞入生薑三片杏仁二粒去皮尖同煎至五分去滓溫服

小兒嘔吐

論曰有物有聲名曰嘔有聲無物則曰乾嘔有物無聲曰吐因皆胃氣不和陽明之氣下行則順今逆上行則嘔吐有因胃寒胃熱痰水宿食氣攻之

症有乳吐熱吐寒吐冷吐傷食吐傷寒吐各受症不一治法不同但兒啼未定氣息未調遽以乳飲之其氣尚逆乳不得下停滯胃中則令嘔吐又乳母貪涼冷氣入乳兒若飲之亦生嘔吐或因宿食未消或解脫衣服因受風冷之氣入於腠理則腹脹痛嘔吐熱吐者先去風痰冷吐者宜固胃氣痰吐宜下其痰次與固正氣之藥食吐者當與塌氣諸症豈可一槩治之吐瀉不止脾虛生風眼開風驚眼合慢驚慢脾當要固養正氣若仍以驚藥治

之則死不旋踵若不參詳治療豈不悞哉

加味二陳湯方 治胃有熱膈上有痰以成嘔吐

半夏製 橘紅 茯苓 甘草炙 黃連

薑汁炒 山梔子炒 生薑各等分

水一鍾煎至六分緩緩熱服

加味理中湯方 治寒痛嘔吐

人參 白朮 乾薑 甘草 丁香

右藥各等分用水一盞半煎六分熱服

藿香正氣散方 治小兒風寒嘔吐

藿香 紫蘇 陳皮 桔梗 大腹皮 甘

草 茯苓 厚朴 白芷 半夏各等分 麴分

右剉為末每服二錢加薑一片棗一枚水一盞

煎至六分去滓溫服

竹茹湯方 治小兒積熱嘔吐

葛根三錢 半夏製 竹茹各二錢 甘草一錢

共為末用水一盞半煎八分去滓臨服加生薑

汁一茶匙

調中正胃散方



藿香葉 白朮 人參 茯苓 甘草炙

陳皮 山藥 扁豆炒 半夏麴 乾薑炮

錢一

共為細末生薑一片黑棗一枚去核煎湯量兒大小服之

益黃散方

丁香二錢 陳皮一錢 甘草炙 青皮炒各二錢五分

訶子肉炮去核五錢 加肉豆蔻麩裏煨去油三錢五分

共為細末用棗煎湯日進二服

調氣散方 治小兒停寒嘔吐

木香 檀香 白豆蔻 丁香各一錢 砂仁

甘草炙 藿香各五分

右擣為散每二錢半加生薑二片用水一大盞煎至六分去滓溫服量兒大小加減

硃沉丹方 治小兒嘔吐不止

硃砂二錢半 沉香二錢 藿香三錢 滑石半兩 丁香

十四粒

右為細末每服半錢用新汲水一盞芝麻油滴

成花子抄藥在上須與墜濾去水却用別水空心送下

紫金核方 治小兒一切嘔吐

半夏

湯洗姜製

人參

白朮

木香

丁香

各二錢半

藿香

三錢

右為細末稀麪糊為丸如李核大後用沉香一錢為末硃砂一錢水飛二味同研勻為衣陰乾每服一丸用小棗一枚去核納藥在內濕紙裹燒熟嚼與小兒服後以米飲壓之

香銀丸方 治小兒嘔吐

丁香

葛根

各一錢

半夏

湯浸

水銀

各兩

右三味同為細末將水銀與藥研勻生薑汁丸如麻子大每服一二丸至五七丸煎金銀花湯下無時服

白朮散方 治小兒停寒嘔吐

白朮

人參

半夏

各二錢

茯苓

乾薑

甘草

各一錢

右為末每服二錢水一盞薑三片棗一枚煎七

分去滓溫服日二三一方無半夏麴有木香藿香

姜橘湯方 治脾慢胃冷嘔吐

白薑二錢炮 陳橘皮去白一兩 粉草炙三錢

右件剉為末每服半錢或一錢用溫棗湯調化空心少與緩服

定吐飲方 治吐逆諸藥不效

半夏湯浸七遍焙乾用末二兩 生薑和皮二兩 薄桂去麤皮剉三錢

右薑切作小方塊菘豆大同前半夏和勻入小鎗內慢火順手炒令香熟帶乾方下桂再炒勻

微有香氣以皮紙攤盛地上出火毒俟冷畧播去黑焦末每服二錢水一盞薑二片煎七分稍空心少與緩服

參香飲方 治胃虛嘔吐

人參一兩 沉香 丁香 藿香和梗 楠木香

各二錢半

右剉每服二錢水一盞煎七分臨入薑汁少許作三次空心溫服

香薷散方 治受熱嘔吐

香薷一兩

茯苓

白扁豆炒

厚朴

薑汁製各五錢

每服二三錢水煎加酒半杯冷服立效

藿香散方

治胃虛有熱嘔吐

藿香

一兩用葉

麥冬

去心

半夏麴

炒

甘草

炙各半兩

石膏

半兩

右為末每服五分至一錢水一盞半煎七分食

前溫服

麥冬散方

治脈數嘔吐

麥冬

半夏

人參

茯苓

各二錢

甘草

一錢

右為末每服二錢水一盞薑三片煎至五分溫

服日二三服

聖惠散方

治心神煩熱嘔吐

麥冬

半兩

淡竹茹

半兩

甘草

人參

茅根

陳皮去白各五分

右為末每服二錢水一盞薑三片煎至五分溫

服日二三服

蘆根粥方

治心煩嘔吐

生蘆根

二兩

粟米

一合

右用水二大碗煎至一半去滓投米作粥薑蜜少許食

菜豆飲方 治嘔吐誤服熱藥

菜豆粉

黃連

乾葛

甘草

各五錢

右除豆粉外餘藥三味共為細末入乳鉢同菜豆粉杵勻每服半錢至一錢溫豉湯調服

小兒噦

論曰小兒氣弱不能勝乳致乳滿胃中氣既不得傳導復遇呼吸風冷則使胃氣上逆故令噦能節

其乳仍溫胃氣則噦自愈

麝沉散方 治小兒噦逆

麝香

沉香

剉各一分

右二味搗研為散拌勻每服半錢或一錢匕沸湯點服量兒大小加減

訶梨勒散方 治小兒噦逆不止

訶梨勒皮

一分

人參

檳榔

剉

甘草

炙

陳橘皮

湯浸去白切炒

沉香

剉各半兩

右六味搗羅為散每服一字或半錢至一錢匕

量兒大小煎麥蘖湯調下

牛乳飲方 治小兒噦

牛乳

生薑

自然汁  
各一合

右二味於銀器中慢火煎沸一歲兒飲二分更

量大小加減

羊乳飲方 治小兒噦不止

羊乳

升一

右一味慢火於銀器中煎令減半分作五服更

量兒大小加減

丁香補胃丸方 治小兒胃氣虛噦逆

丁香

錢一

藿香葉

分一

附子

炮製去皮  
臍二錢

定粉

炒研  
檳榔 剉各一分

右五味搗研為末滴水丸如梧桐子大每服一

丸至二丸米飲下不計時量兒大小加減

枇杷葉散方 治小兒胃氣虛冷噦逆不止

枇杷葉

炙去毛

丁香

各一錢

白茅根

人參

各一分

右四味搗羅為細散每服半錢或一錢匕煎馬

齒莧湯調下不計時量兒大小加減

遂愈散方 治小兒噦逆不止乳食不進

滑石末一錢 丁香二四粒 藿香末半錢

右三味同研勻細每服一字或半錢匕生油調下量兒大小加減

消乳進食丸方 治小兒噦逆腹脹

陳橘皮湯浸去白焙乾 生薑去皮切二味同炒黃色各一兩

右二味同擣羅為末水浸炊餅心和丸如麻子大每服一二歲兒橘皮湯下七丸量兒大小加減服

木香丸方 治小兒脾胃虛寒噦逆不止

木香 草豆蔻皮去 檳榔剉 青橘皮去白焙

陳橘皮去白焙各一分 肉豆蔻去殼一顆 京三稜炮剉一兩

右七味擣羅為末麩糊和丸如菜豆大每服五丸溫生薑湯下量兒大小加減服

人參丸方 治小兒脾胃虛寒噦逆不入乳食

人參 白茯苓去黑皮各一分 白朮 木香 山芋

丁香各一錢

右六味擣羅為細末白麩糊和丸如菜豆大每

服七丸生薑湯下食前服量兒大小加減服

人參丸方 治小兒胃寒多噦

人參兩半

白茯苓

去黑皮

陳橘皮

去白焙

白朮

半夏

湯洗去滑各半分

甘草

炙剉

乾薑

炮各一分

右七味搗羅為末麩糊和丸如黃米大每服十

丸或十五丸煎藿香湯下量兒大小加減服

小兒吐喎

論曰小兒飲乳後忽吐逆乳汁者名曰吐喎蓋由

乳哺冷熱不調停在胸膈復因飲乳舊乳未消新

乳又入氣不通宜新陳相壓所以吐喎當節乳則

愈

麝香湯方 治小兒吐喎胸中否滿乳飲停積不

消

麝香研

木香

人參

沉香

剉

赤茯苓

去黑皮各一分丁香半

右六味麤搗篩每半錢匕水半盞煎數沸去滓

分溫二服

黃耆湯方 治小兒吐喎胸中冷氣停結



黃耆 人參各三分 當歸切焙 芍藥 甘草炙

芎藭各半兩 細辛去苗葉一分

右七味麤擣篩每一錢七水七分煎至四分去滓分溫二服早晚各一量兒大小加減

鹽黃散方 治小兒初生吐不止

鹽兩黃米大 牛黃兩粟米大研 人參 白茯苓各一小豆大

甘草兩小豆大炙

右五味先擣研四味為末以乳汁半合煎三五沸入牛黃末攪勻分減服之

麝香丸方 治小兒吐乳

麝香一錢研 丁香擣末 杏仁去皮尖雙仁炒研各一分

右三味研擣為細末以粟米飯丸如麻子大每服五丸人參湯研下更量兒大小加減

丁香丸方 治小兒飲乳後吐乳不止

丁香一分 藿香葉半兩 人參三分

右三味擣為細末煉蜜丸如棗豆大每服三丸粥飲下

枇杷葉散方 治小兒吐乳不定

枇杷葉去毛 丁香各一分

右二味擣羅為散兒小者於乳頭上塗一字令兒啞之兒大者煎棗湯調下不拘時更量大小加減

妙功散方 治小兒吐乳不止

藜蘆洗焙

右一味擣為細散以少許吹入鼻中嚏三兩次立止

莎草根散方 治小兒吐乳不止

莎草根炒去毛香附子是也 甘草炙剉各半兩

右二味擣羅為散每一錢匕水七分煎至四分去滓分二服早晚各一細細啣之更量大小加減

人參湯方 治小兒吐乳母服

人參 陳橘皮去白焙各二兩

右二味擣羅為散每一錢匕水七分生薑半棗大拍破煎至四分去滓分溫二服服後與兒乳喫

人參散方 治小兒嘔吐不止

人參 一兩 爲末 丹砂 半兩 研

右二味同研令勻每服半錢匕熱米飲調下更量大小加減

雙石散方 治小兒吐逆不止

石亭脂 一錢 白滑石 三錢

右二味研爲細散每服一字匕煎竹葉糯米湯調下更量大小加減

丁香散方 治小兒吐逆不止

丁香 半分 桂皮 去麤皮 藿香葉 各一分 人參 甘草

炙乾薑 炮各半兩 白茯苓 去黑皮一錢

右七味擣羅爲細散每服半錢匕水七分煎至四分溫服更量大小加減

小兒乳癖

論曰小兒脾胃尙弱乳後或受寒氣或啼哭時冷氣入胃滯乳成積人漸黃瘦腹中有塊左右走動是爲乳癖其症不宜急攻惟調理正氣脾胃一轉而癖自散

不換金正氣散方 治脾胃不和寒熱往來臟腑  
虛熱霍亂吐瀉小兒乳癖

厚朴薑製 藿香 陳皮 半夏 蒼朮米泔浸

甘草炙各等分

右每服二三錢薑棗水煎服

守胃散方 治小兒乳癖或有動氣

人參去蘆 白朮 白茯苓去皮 山藥去黑皮 乾

葛 扁豆炒去殼 南星剉碎瓦器盛東壁土同醋煮少時瀘乾切片焙

甘草 藿香 防風去蘆 天麻各半兩

右判每服二錢水一鍾薑二片冬瓜子仁五十

粒搗碎煎七分空心溫服如瀉不止入沉香白

豆蔻同煎

六神湯方 治小兒乳癖不進飲食

黃芪 扁豆 人參 白朮 白茯苓 甘

草炙 藿香各等分

每服三四錢薑棗煎服

人參散方 治小兒乳癖正氣一轉邪氣自散

人參 白朮 茯苓 沉香 白芍藥 甘

草各半  
兩

右爲細末以蜜器收之遇小兒有前項形證半  
歲一字二三歲半錢大者一錢煎棗子米飲調  
下或陳紫蘇湯亦可或吐瀉并作煎丁香湯下  
陳皮湯尤妙

實脾丸方 治小兒乳癖

白朮

二兩  
土炒

茯苓

一兩

陳皮

一兩

瓦龍子

二兩  
醋煮

薏苡仁

二兩  
炒

扁豆

一兩  
炒

砂仁

一兩

蒼朮

二兩  
米泔

水浸

神麴

一兩  
炒

白芍

一兩

水跌爲丸每服二錢食遠滾水送下

肥兒丸方 治小兒乳癖

白朮

茯苓

陳皮

蘆薈

胡黃連

蓮

子 五穀蟲

山查

扁豆

薏苡仁

神

麴

麥芽

各一兩

厚朴

一兩

甘草

五錢

右爲細末水跌爲丸每服錢半或二錢量意加  
減滾水送下

調中散方 治小兒乳癖

人參

白茯苓

白朮

木香

藿香葉

乾薑 炮

香附子 炒

甘草 炙

丁香 各等分

縮砂仁

右為末每服一錢薑棗湯調下肚痛白湯下量

大小加減

小兒癥瘕癖結

論曰五臟不和三焦不調有寒冷之氣客之則令乳哺不消化結聚成癥癖也其狀按之不動有形段者癥也推之浮移者瘕也弦急牢強或在左或在右者癖也皆由飲食痰氣結聚而成故云癥瘕

癖結

前胡散方 治小兒腹內癖結壯熱羸瘦多啼

前胡

川大黃

各三分微炒

枳殼

炒微黃

赤茯苓

犀角屑

郁李仁

湯浸去皮微炒

鼈甲

塗醋炙令黃去裙襴各半兩

右件藥擣為散每服一錢以水一小盞煎至五

分去滓看兒大小分減溫服微利為度

破結散方 治小兒癥瘕癖結

甘遂

煨二錢半令黃色為度

青皮

浸去白焙

黃芩

川大黃

判細煨  
各半兩

右爲末每服一錢水一小盞煎至六分去滓溫  
和服量大小加減得通利則止後以冷粥補之  
進食丸方 治小兒乳食不消心腹脹滿壯熱喘  
麤嘔吐痰逆腹鳴泄瀉米穀不化或下痢赤白  
腹痛後重及食癥乳癖疰氣癖結並皆治之小  
兒胸膈熱實腹內有留飲致令榮衛癖塞腑臟  
之氣不得宣通其病腹內氣結脹滿或壯熱是  
凡有此疾當疎利大便破結疝氣

巴苳霜

一錢二分

當歸

米泔浸一宿炒

硃砂

枳殼

炒

木香

各半兩

代赭石

煨醋淬七次半兩

麝香

少許

右爲末麪糊爲丸如麻子大一歲兒一丸溫米  
湯下更量虛實加減食後服治食積發熱羸瘦  
肚大青筋疳積肚疼嘔露

枳實理中丸方

治小兒癥瘕癖結

枳實

十六片 楚炒

茯苓

人參

白朮

乾薑

炮

甘草

炙各二兩

右爲末煉蜜和丸如龍眼大每服一丸熱湯化

下連進二三服胸中豁然渴者加瓜蒌根一兩  
自汗者加牡蠣二兩煨過下利亦加

參朮陷胸湯方 治小兒癥瘕癖結

人參 白朮 茯苓 甘草 橘紅

瓜蒌 全用細切帶濕三錢 半夏 一錢 黃連 五分

右用水二鍾生薑三片棗一枚煎一鍾溫服

快膈散方 治理胸膈不快飲食少進亦能順氣

和中消導宿滯

人參 去蘆 青皮 去 烏藥 良薑 製 縮砂

仁 甘草 香附子 各一兩

右為細末每服一錢溫鹽湯空心調服

三因散聚湯方 治積在六腑隨其上下發作有

時令人心腹疼痛攻刺腰脇小腹臘脹大小便

不利

半夏 檳榔 川芎 各二分 大黃 酒浸 廣陳皮

杏仁 桂心 茯苓 各五分 甘草 附子 製

當歸 各二分 枳殼 厚朴 吳茱萸 各七分

右為末每服二錢水一盞半煎至六分去滓熱



服量意加減服

又方

用伏翼屎此卽天鼠糞也又名夜明沙古人治血積每用水蛭虫輩以其善吮血耳然其性毒人多患之而伏翼屎者食蚊而化之者也蚊之吮血不減蛭虫故亦可以攻血積本草稱其能下死胎則其化血塊也何疑

古方治積聚藥總考

古方有用麴蘖者化水穀也用礪砂阿魏者去肉食也用陳皮紫蘇生薑者化魚蟹也用丁香桂心者腐菓菜也用牽牛芫花者攻水飲也用三稜鼈甲者去癥瘕也用附子硫黃者除痼冷也用水蛭虫蟲者攻血塊也用木香檳榔者攻滯氣也用雄黃膩粉者攻涎積也用礪石巴豆者攻氣痰食也甘遂甘草並用者假其相戰以去積也但立方之人未入神妙鮮有不類聚羣毒以爲丸者此之謂獵不知兔廣發原野冀一人獲之術亦疎矣今考古人神異數事于左以

廣見聞

蟻瘕

史記曰臨菑女子薄吾病甚衆醫以爲寒熱篤當死臣意診其脈曰蟻瘕爲病腹大上膚黃粗循之戚戚然臣意飲以芫花一撮卽出蟻可數升病三十日如故病蟻得之於寒濕氣鬱篤不發化爲蟲所以知薄吾病者切其脈循其尺索刺粗而毛美奉髮是蟲氣也其色澤者中臟無邪氣及重病愚謂倉公以病蟻得之寒濕者謂

寒水濕土之氣也寒水濕土之氣鬱極而不能宣發則化爲蟲所謂濕熱生蟲是也芫花氣微寒而味苦辛有毒能下十二經之水而攻積聚故能下水土生化之蟻

雞子致積

北齊褚澄善醫術建元中爲吳郡太守民有李道念者以公事至郡澄遙見謂曰汝有奇疾道念曰某得冷疾五年矣澄診其脈曰非冷也由多食雞子所致今取蒜一升服之卽吐物如升

許誕裹之動挾涎出視乃一雞雛翅距已具而能走澄曰未也盍服其餘從之凡吐十三枚疾乃瘳愚謂蒜性辛熱可以壯氣正氣壯則病邪不能容故上湧而出乃君子道長小人道消之象經曰壯者氣行則愈怯者着而成病此之謂也

### 髮瘕

劉宋時徐文伯者徐嗣伯之兄也篤好醫術宮人有患腰痛牽心者發則氣絕衆醫以爲肉瘕

文伯視之曰此髮瘕也以油灌之卽吐物如髮引之長三尺頭已成蛇又能搖動懸之柱上水盡瀝惟餘一髮而已愚謂髮者血氣之餘也入腹成蛇者乃無情而化有情離形而自成形也無情而化有情一腐草可以爲螢離形而自成形一折枝可以植林文伯治之以油者投其先天之宜也油性善泛故哇之而出矣或問文伯何以便知其爲髮瘕余曰人患藝弗精耳精藝自然入神

蛇瘕

隨有患者嘗病吐食醫作噎氣膈疾翻胃三疾治之無驗任度視之曰非此三疾蓋因食蛇肉不消而致斯疾但揣心腹上有蛇形是也病者曰素有大風常求蛇肉食風稍退復患此疾矣遂以芒硝雄黃治之愈芒硝取其軟堅雄黃解其蛇毒此本草之論世人之所共識也

鼈瘕

宋有溫革郎中者自少壯健無疾執不信醫見方書有云食鼈不可食莧者故併啖之自此苦腹痛每作時幾不知人始疑鼈莧所致而未審也復以二物令小蒼頭併食之遂得病與革類委頓尤劇未幾遽死昇其尸置馬廐未歛也忽小鼈無數自上下竅湧出散走廐中惟遇馬溺輒化爲水草聞自視之掙聚衆鼈以馬溺灌之皆化爲水草乃自飲馬溺其疾亦愈巢元方亦謂有患鼈瘕者死其主破其腹得一白鼈鼈乃活有乘白馬來看者白馬遂尿隨落鼈上卽縮

頭乃以馬尿灌之隨化爲水愚謂鼈竟併啖而成瘕者竟能回鼈之生氣故也瘕成遇馬溺而化者象數尅之故也昔尼父繫易繫鼈于離以其外剛內柔肖其象也故鼈瘕者離象馬溺者坎象也離爲火坎爲水天地變化坎離交媾則火涵乎水水涵乎火而鼈生于水各正性命象數相制則火仇于水水制其火而鼈瘕化於馬溺然馬溺能化鼈瘕而不能化鼈者氣生者可化形生者可死而已他溺不可化而惟馬溺能

化者馬得乾之剛其氣悍味厚非凡溺可例故耳

### 京三稜

本草云昔有人患瘕瘕死遺言開腹取之如其言得塊乾鞣如石文理有五色人謂異物竊取削成刀柄後因以刀刈三稜柄消成水乃知此可療瘕瘕也

### 驚血

京師有病腹大者遇御河橋失足墜河腹遇石

破而死中有一物紅光如石有內相見之携去  
為二解手刀柄一自佩一付其使佩他日宰鷺  
使以柄和血柄隨脫化內相以自佩試之亦然  
後以之治血痕屢驗

重校聖濟總錄卷一百七十七

震澤汪鳴珂瑤圃全弟鳴鳳蘭圃校

程 勛懋哉校訂

小兒門

小兒骨蒸 小兒痰實 小兒客忤

小兒中惡 小兒中蠱 小兒尸注

小兒胎寒

小兒骨蒸

論曰小兒骨蒸者迺先天之氣不足其根在腎亦

緣血虛經云陰虛生內熱是也其症旦起則涼日  
 晚即熱煩燥不安飲食無味小便赤黃忽忽悶亂  
 微喘無力腰膝酸疼兩足逆冷手心常熱苟失調  
 治則成疴矣

劉氏八味丸方 治小兒腎氣未足血虛骨弱

地黃八兩生熟各半 山萸肉四兩 茯苓三兩 山藥四兩

丹皮三兩 澤瀉三兩 黃柏三兩 知母三兩

右為末煉蜜為丸每服一錢兒大量加空心滾  
 水下

補腎丸方 治腎虛骨蒸

杜仲薑汁炒 牛膝 陳皮各四兩 黃柏鹽酒炒 龜板

酥炙各四兩 夏加五味子一兩炒 冬加乾薑五錢

右為細末煉蜜為丸每服一錢或二錢看見大  
 小加減空心淡鹽湯化下

柴前梅連散方 治風勞骨蒸咳嗽盜汗

柴胡 前胡 胡黃連 烏梅各三錢 猪膽一枚

猪髓一條 韭白五分 童便二盞

右汁製藥成散每服二錢滾水和下

秦芫鼈甲散方 治骨蒸風勞肌肉消瘦

秦芫 知母 當歸各五錢 鼈甲 烏梅 五

葉青蒿 柴胡 地骨皮各一兩

右剉散每服三錢加棗一枚水煎食遠服

犀角飲方 治小兒骨蒸潮熱盜汗肌瘦

犀角屑 鼈甲炙 胡黃連 柴胡 地骨

皮 知母各五錢 大黃 桃枝各二錢半

右剉散每服二錢水煎服

銀柴胡飲方 治小兒骨蒸潮熱盜汗咳嗽口渴

心燥多驚面黃身瘦

銀柴胡 知母 貝母 當歸 白芍 地

骨皮 秦芫 枳殼各等分

右剉散每服二錢加桃柳枝各三寸烏梅一箇

同煎服

青蒿散方 治小兒骨蒸肌瘦

青蒿三錢 甘草一錢 烏梅一箇 小麥五十粒

用水一碗煎至三分去滓分三次服

人參生犀散方 治小兒骨蒸肌瘦頰赤口乾日



晡潮熱夜有盜汗五心煩燥四肢困倦

羚羊角銹 秦艽 麥蘗 枳殼炒 大黃

蒸 地骨皮 人參 赤茯苓 赤芍 鼈

甲醋炙 桑白皮炒 黃芪 柴胡各等分

右判散每服二錢加烏梅半箇水大半盞煎至三分不拘時服

地骨皮飲方 治小兒骨蒸朝熱往來心膈煩悸及傷寒後餘氣未解

地骨皮 柴胡各二兩 知母 甘草炙 鼈甲

醋炙 人參 黃芩各二錢半 赤茯苓五錢

右判碎凡兒一歲用二錢加薑梅各一片水八分煎四分不拘時服

柴胡飲方 治小兒骨蒸疔氣五心煩燥口乾無

味小便黃色食減神昏

北柴胡 當歸酒洗 人參 黃芩 赤芍各

兩 甘草 大黃 桔梗 枳殼 半夏各

右判散每服二錢加烏梅一箇小角薑二片水

一鍾半煎至七分無時溫服

小兒痰實

論曰小兒飲乳因冷熱不調停積胸膈之間結聚成痰有形則謂痰實久之令兒飲乳不下口吐涎沫而壯熱不止若不早治則成驚癇

蒙石滾痰丸方 治小兒痰實

大黃 八兩酒蒸七次 黃芩 八兩酒煮 沉香 五錢 青蒙石 一兩

火服透

右為末水跌為丸量兒大小加減滾水送下

清氣化痰丸方 治脾虛痰實

白朮 土炒 茯苓 陳皮 半夏 薑汁炒 貝母 去心

天冬 去心 杏仁 去皮尖 片苓 酒煮 桔梗 酒炒

瓜蒌 去油 香附 酒炒 山查 各二兩 黃連 枳實

連翹 蘇子 炒 海石 火煨紅童便淬 皂角 各一兩

右為末水跌為丸用青黛六錢為衣量兒大小

加減服

化痰丸方 治痰實通用

南星 半夏 各四兩薑礬皂角同煮去薑皂 前胡 白附子

天麻 枳殼 麥芽 橘紅 山查 白

礬 各二兩 牙皂 一兩

右為末水跌為丸血丹為衣量兒大小加減用

滌痰丸方 治痰實初起元氣未傷者可服

牙硝 丑末 半夏 杏仁 大黃 枳殼

各一兩 巴霜 一錢

右為末麩糊為丸如菜豆大每服三五丸冷茶送下看兒大小加減服後雖餓一日

清金丸方 治小兒痰實

半夏 貝母 瓜蒌霜 杏仁 去油 桔礬

麻黃 桔梗 款冬花 等分

右為末麩糊為丸每服一錢空心滾水送下

青黛丸方 治小兒痰實固結不散

人言 一錢 白礬 二錢 南星 五錢薑汁炒 半夏 四錢薑汁

製 青黛 三錢 菜豆粉 六錢

右為末用薑汁打米糊為丸如菜豆大每服三丸臨臥時冷茶下

小兒客忤

重校聖濟總錄 卷一百一十一 六 照遠堂  
論曰中客忤者是小兒神氣素弱忽有非常之物  
或未經識見之人觸之與鬼神氣相忤而發謂之  
客忤又名中客又名中人吐下青黃白色水谷解  
離腹痛反倒面變易五色其症似癩但眼不上頭  
不搖脈急數者是也

真珠散方 治客忤驚風鬼疰驚邪痰熱心舍不  
寧精神不定心常怔忡睡中驚跳時或咬牙五  
心煩熱有汗兼喘面赤舌白呵欠煩渴小便赤  
瀉或吐利黃沫常服辟邪安神

真珠 海螵硝 滑石 各一錢 白茯苓 人參

甘草 全蝎 白附子 麝香 腦子 另研

各五錢 生珠 另研一錢 金箔 銀箔 各二十片

右研和勻用燈心麥冬湯入蜜少許調服日午  
臨臥各一

安神丸方

生犀末 雄黃 人參 茯苓 車前子 各一分

右為未取桃白皮一兩桃符一兩二味以水三

升同煎至一升去滓更煎成膏和前藥丸如麻子大每服三丸芍藥湯送下

又方歌曰小兒哽氣築心連喘息多愁胃口涎唯  
有此疾宜早治為緣客忤氣相煎看看病狀醫  
難效速取真珠散半錢龍腦生犀香附子小兒  
餐了保身安若要小兒身康健常帶三分飢與  
寒

真珠散方

真珠末

四錢

生犀末

二錢

香附末

一錢

龍腦

半字

右同研每服一字桃仁湯調下乳母忌生冷油膩一切毒物半月

辟邪膏方 治客忤一切症

真降香

白膠香

沉香

虎頭骨

微炒

草

膽

白茯苓

人參

鬼臼

去毛

右件各半兩為細末次入水磨雄黃半兩細研水飛次研麝香一錢都拌勻煉蜜和如鷄頭大每服一粒煎乳香湯化下及別丸如彈子大用

綠絹袋子盛令兒衣服上帶之仍臥內常燒神  
妙

客忤方歌

忽爾連連哭不休渾身壯熱脈如鈞驚啼不得冤  
神鬼客忤傷心不自由犀角雄黃相共擣桃符煎  
水看稀稠人參茯苓車前子丸吃三服不須憂

中馬忤

論曰凡諸乘馬行得馬汗氣臭未盥洗易衣裝而  
便向兒邊令兒中馬客忤兒卒見馬來及聞馬鳴

驚及馬上衣物馬氣皆令小兒中馬客忤慎特重  
之

中馬客忤法

用粉爲丸如鼓法摩家公摩家母摩家子兒苦  
客忤從我始扁鵲雖良不如善唾良呪訖棄丸  
道中

中馬毒客忤方

取馬尾於兒面前燒令兒嚙烟氣日燒之差爲  
度

又方

取馬口角沫塗兒口中效

獺肝丸方 治中惡小兒客忤

獺肝具一 雄黃 莽草 丹砂 鬼臼各一兩

犀角 巴豆各一兩 麝香二分 大黃 牛黃各一兩

兩 蜈蚣一條

右十一味為末蜜丸空腹服如麻子大二丸加至三丸以知為度

小兒中惡

論曰小兒中惡是鬼邪之氣卒中於人也無問大小若陰陽順理榮衛和平神守則強邪不干正若精氣衰弱則鬼毒惡氣中之其狀先無他病卒然心腹刺痛悶亂欲死者是也脈緊細而微者生緊大而浮者死

蘇合香丸方 治傳屍骨蒸諸項勞瘵順氣化痰

暴心痛鬼魅瘧疾霍亂吐瀉赤白下痢小兒驚

搖

蘇合香油五錢入安息香膏肉 安息香一兩另為末用無灰酒半升熬

重校聖濟總錄 卷之二十一 小兒門 十一

膏 丁香 青木香 白檀香 沉香 藁撥

香附米 訶子 煨取肉 烏犀 屑 硃砂 研水飛各

一兩 片腦 五錢 麝香 七錢半 薰陸香 五錢

右為細末用安息香膏入煉蜜和丸如芡實大空心用沸湯化下小兒一丸老人四丸酒下亦可

沉香降氣湯方 治小兒中惡

降真香 沉香 白膠香 虎脛骨 酥炙各五錢

人參 鬼箭羽 草龍膽 各五錢

右為末次入雄黃五錢麝香一錢煉蜜丸乳香

湯化下又令兒帶及燒臥內尤妙

桃奴散方 治小兒中惡心腹堅脹疼痛顏色青

桃奴 五枚 甘草 炙一分 麝香 一錢 杏仁 二十枚湯浸

桔梗 赤芍藥 黃芩 柴胡 升麻 大

黃 炒 鬼白 去毛各半兩

右藥擣為散每服一錢水一小盞煎至五分不計時候溫服以利為度量兒大小加減服

鬼箭羽散方 治小兒中惡心堅強卒痛欲困



鬼箭羽

真珠

未各一分

羚羊角屑

桔梗

去蘆頭

川朴硝

川升麻

赤芍

柴胡

去苗

黃芩

各半兩

大黃

一兩微炒

桃仁

十枚湯浸去皮尖

右製服法同前

雄黃丸方

治小兒中惡心痛辟除邪氣

雄黃

細研

真珠

未各半兩

麝香

牛黃

細研一錢

巴豆

二十粒去皮膜心研紙裏壓油

右藥研勻入棗瓢及煉蜜和丸如粟米大每服以薄荷煎湯下三丸量意加減服之

葛氏中惡神方

取葱黃心刺其鼻男左女右入七八寸小兒量度之若使目中血出佳扁鵲法同是後吹耳條中葛言此云刺鼻故別為一法

又方

右令二人以衣壅口吹其兩耳極則易人可以筒吹之並捧其肩上側身遠之莫臨死人上

又方

右視其上唇裏弦有泡如黍米大以針決去之

又方

右以小便灌其面數迴卽能語此扁鵲法也

又方

右末皂莢如大豆吹其兩鼻中嚏則氣通矣

又方

右割雄雞冠取血以塗其面乾復塗并以葱管吹其兩耳

又方

以管吹下部令數人互吹之氣通則活

又方

用鹽八合以水三升煮取一升半二服得吐卽愈

備急方

云治鬼擊若小便不通筆頭七枚燒作灰末和服之卽通

又方

用葱葉刺入耳中鼻中血出者莫恠無血難治有血是候時當捧兩手忽放之須臾其人目開

舉手撈人言痛乃止又男刺左鼻女刺右鼻中  
令入七八寸餘大效小兒量度之亦治自縊死  
此與扁鵲方同

### 小兒中蠱

論曰兩廣人聚蟲蛇雜類以器皿盛之令相噉食  
餘一存者卽名爲蠱亦能變化或隨飲食入腹食  
入五臟小兒有中者與大人無異心腹刺痛懊悶  
急者卽死緩者苟延歲月而已

升麻散方 治小兒初中蠱毒

川升麻

桔梗

去蘆頭

菰藪根

各一兩

右搗羅爲粗散每服一錢用水一小盞煎至五  
分去滓溫服日四五服看兒大小加減

紫參丸方 治小兒蠱毒

紫參 人參

半夏

湯洗

藜蘆

代赭石

肉蓯蓉

各三分

桔梗

白薇

各三分

石膏

大黃

牡蠣

丹參

各一分

蝦蟇

燒灰

烏頭

炮各四分

狼

毒

七分

附子

炮五分

巴豆

七十枚去

心皮熬

右件藥搗篩蜜和爲丸以飲下如小豆一九日

三服老小以意減之蜂蠶所螫以塗其上神良  
忌猪羊肉冷水一方無蝦蟇有乾生薑四分

雄麝散方 專治蠱毒病

雄黃 麝香別研 殺羊角屑 赤芍藥各二兩

馬兜鈴根 薺芫 鬼臼去毛各半兩以上除黃雄麝香外擣

羅為細末 敗鼓皮炙黃一兩

右件八味都一處拌勻研細每服半錢濃煎甘草湯調下食前服

羊肝散方 治小兒中蠱腹內堅如石面目青黃

小便淋瀝變易無常

殺羊角屑 蘘荷各一兩 梔子仁七枚 赤芍藥

各一分 牡丹皮 黃連去鬚各一分 犀角屑半兩

右件藥擣為散每服一錢水一小鍾煎至五分

溫服日三四服量兒大小加減

麝犀湯

犀角屑 鬼箭 安息香 雄黃細研各一兩 苦

參半兩 牡丹皮半兩以上擣羅為細末次用 麝香半兩細研

右件都拌勻每服一錢水一大碗煎至五分去

淳放溫時時服

苦參湯方

敗鼓皮

三分炙  
令黃

苦參

蓑荷根

各一  
兩

右件藥擣為散每服一錢水一小盞煎至五分  
溫服日三四服更量兒大小加減服

雄黃散方

治小兒飛蠱狀如鬼氣者宜服

雄黃

麝香

各細  
研

犀角

各半兩  
用末

右件藥都研勻每服以溫水調下半錢一日四  
五服量兒大小加減

治小兒五種蠱毒悉主之方

右擣馬兜鈴根細羅為散每服一錢水一小鍾  
煎五分去滓空腹頓服當時隨吐蠱出未快吐  
卽再服

又方

右用敗鼓皮一片燒灰細研為粉空心以粥飲  
調服一錢病人須臾當呼蠱主姓名病便愈

又方

右用薺芫一兩擣為末以粥飲調下一錢甚效

量兒大小加減服之

治小兒畏忌中蠱欲死方

右用生甘草半兩剉以水一鍾煎至五分分爲二服當吐蠱出若平生預防蠱者宜熟炙甘草煮汁服之卽內消不吐神效

治小兒中蠱下血欲死方

右取生赤雌雞翅下血服之卽效

又方

右擣青藍汁頻頻與半合服

治小兒中蠱毒令腹內堅痛面目青黃露骨立病

變無常方

右用桃株寄生二兩擣細羅爲散茶點服之日

四五服

又方

右用麝香半錢細研空心以溫水調服卽吐出

蠱毒未效再服

雄黃丸方 治小兒疰病諸蠱魅精氣入心入腹

刺痛黃瘦骨立

雄黃 雌黃各三分 丹砂 野丈人三分 大黃

三分 麝香二棗大 羚羊角屑五分

右為末以青羊脂和丸百日兒酒服黍大三九日進二服或豆大亦可

小兒尸注

論曰尸注者五尸中之一症也人無問小大腹內皆有尸蠱其性最忌多接引外邪共為患害小兒氣血衰弱者精神亦羸故尸注因而為病其狀沉默不知病處或寒熱淋瀝涉引歲月遂至於死又

注易傍人故名尸注也

備急散方 治中惡客忤五尸入腹鬼刺鬼疰及

中蠱疰吐血下血及心腹卒痛腹滿等病

雄黃 芫花 桂心各二兩 丹砂 蜀椒各一兩

藜蘆 巴豆各一分 附子炮製五分 野葛二分

右九味巴豆別治如脂合治下篩以巴豆合和更擣令勻調以銅器中蜜貯之勿泄有急疾水服半錢或一錢量意加減服

走馬湯方 治大人小兒飛尸

巴豆 去心皮熬 杏仁 去皮尖各二枚

右二味取綿纏槌令極碎投熱湯二合捻取白汁服之須臾差未差更一服老小量之通療鬼擊有尸症者常蓄此藥用驗忌野猪肉蘆笋

木香散方 治小兒尸症心腹滿腹疼痛不可忍

木香 鬼箭羽 紫蘇莖葉 桔梗 去蘆頭各半兩

當歸 剉微炒 檳榔 三分

右藥擣為散每服一錢水一小盞入生姜少許煎至五分溫服

犀角散方 治小兒尸症及中惡諸病皆主之

川大黃 剉碎微炒 桑根白皮 剉 檳榔 各半兩 麝香

一錢 桃仁 二七枚湯浸去皮細研尖雙仁麩炒微黃

右藥擣為散每服以溫水調下半錢日四五服更量兒大小加減服之

雌黃丹方 治尸疰病

雌黃 雄黃 各細研 川大黃 慢火炮黑 鬼臼 去毛各一兩

桃仁 三一個湯浸去皮尖研 白頭翁 半兩以上並為細末次用 麝香

一分 巴豆 十粒去皮心膜另研紙裏壓去油



右藥為細末用黃蠟鎔化和諸藥成膏丸如黍米大每服三粒至五粒荊芥湯冷下量兒大小加減服之

立效湯方

乾桃柳葉

洗焙乾

川大黃

炮剉各一兩

梔子仁

半兩

赤芍藥

半兩以上擣為細末次用

硃砂

細研水飛一兩

麝香

另研

雄黃

別研各一分

右藥都拌勻每服一錢蜜湯調下量意加減服

小兒胎寒

論曰兒在胎時其母愛涼過度冷氣入胞傷兒腸胃及生之後冷氣猶在其狀胃冷不能消乳或時腹脹或時谷利令兒容顏慘色時啼不止者是胎寒也

丁香理中湯方 治小兒胎寒胃冷乳食不消

人參

二錢

白朮

三錢土炒

甘草

炙一錢

丁香

二錢

薑

二錢炒

右剉散看見大小用薑湯煎服

木香調氣散方 治胎寒胃弱不能飲食

木香 檀香 丁香 各四兩 砂仁 五兩 白蔻仁

三兩 甘草 五錢 藿香 一兩

右為末每服二錢薑湯和下

六君子湯方 治胎寒脾胃虛弱

人參 白朮 茯苓 陳皮 半夏 各一錢 甘

草 五分

加薑一片水鍾半煎八分溫服

附子理中湯方 治胎寒容顏慘暗手冷脈沉

大附子 五分 人參 一錢 白朮 一錢 甘草 三分

乾薑 炮一錢

用水一鍾煎六分溫服

參苓白朮散方 治胎寒脾胃虛弱飲食少進

人參 白朮 茯苓 山藥 薏苡仁 甘

草 扁豆 蓮肉 桔梗 砂仁 等分

右剉散每服二錢薑湯和下

調中益氣湯方 治胎寒中氣不調

黃芪 八分 人參 八分 陳皮 五分 木香 三分 甘

草 炙三分 升麻 三分 柴胡 三分 蒼朮 五分

重校聖濟總錄 卷之三十一 三

用水一盞半煎八分溫服

木香調氣散方 治胎寒胃冷乳食難進

木香 檀香 丁香 白蔻仁 各三兩 甘草 炙五錢

錢藿香 一兩

共為細末每服二錢薑湯調下

鈎藤膏方

乳香 沒藥 木香 薑黃 各一錢 木鼈子 去殼

五個

右為細末煉蜜為丸如芡實大每服二丸引用

鈎藤煎湯化下

重校聖濟總錄 卷之三十一 小兒門 三

三木野矢綱金

卷二十一

三

燕逸堂

